



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Possessorium.

urn:nbn:de:hbz:466:1-10447

Ad primum respondetur, de jure pertinere ad Archidiaconum, *cap: ad hæc, de off: Archid: vel ad Decanum, capit: post elect: de concess: præbend:* tamen hodie, per quemcunque capitur, sive Notarium Apostolicum, sive Regium: nam sic mandari videtur Ordinario ab Episcopis in Bullis beneficalibus, *Rebuff: in for: dimiss: in possess: num: 11. & 13. & quæ verba debent poni in scriptura capturæ possessionis, vide ibi, nu. 14. etiam per clericum, vel sacerdotem, vel per Notarium ab Episcopo creatum, Rebuff: loc: cit: n. 131*

Ad secundum respondetur, quod non, *Rebuff: de requisit: in lit: col: num: 22. & infra: ratio potest esse, quia inter agens, & patiens debet esse differentia, Arg. ut de quodam jubileo, cap: debitum, de bap. ut de jur: patro. ubi quis non potest seipsum præsentare, & sic ipsum eligere, capit: per nostras, & ibi gloss: in versic: præsentare, de jure pat. & d. c. debitum, & ibi gl. in ver. discret. Sed si quis propria auctoritate capiat possessionem, quam pœnam mereatur? Respondetur, quod *Rebuff. dicit ex quibusdam, quod privatur ipso jure beneficio, per capit: eum qui, de præb: lib. 6. tamen ille tex. loquitur de violenter capiente possessionem, non de juridicè, ego dicerem, quod pœna arbitraria, cum videatur sibi facere jus, Reb. loc: cit: num: 2.**

Ad tertium. Respondetur, quod non, sed sufficit Scriptura privata, trino teste signata, quæ æquivaleret instrumento, *Rebuff, loc: cit: num: 4. immò etiam per testes, ibidem.*

Ad Quartum, probatur per ea, quæ dixi *superius*, instrumenta, scripturam privatam, tribus testibus, & per testes.

Ad Quintum, respondetur per ingressum Ecclesiæ, aquæ benedictæ asperisionem, osculum altaris majoris, sonum campanæ, aliqui addunt tactum libri, sed sufficiunt ea quæ dixit *Rebuff: loco citat: num: 17. & infra.*

Pro possessione, electione, præsentatione, nominatione, institutione, confirmatione, collatione, vel alia provisione alicujus Ecclesiæ, vel beneficii canonicatum, aut præbendarum nihil potest accipi, nisi qui in pios usus convertuntur, & hoc si observatum consuetudine immemorabili, quod si ita non erat, non potest modò id, quod prius vertebatur in usus profanos, facere Episcopus ut convertatur in usus pios, quia esset innovare, & simoniacum, *Navar. cons. 23. n. 101. & Sac. Con. dec. 266. in meis, censuit in hæc verba: Dulciana multa intelliguntur esse de genere prohibitorum, à Conc. Trid. s. 14. sess. 24. ab aliquo capit. exigendorum, pro admissione in possessionem alicujus novi canonicatus.*

POSSESSORIUM.

AN de possessorio rei ecclesiasticæ possit cognoscere iudex laicus, & multi Doctores, ut Joannes de Syl. 1. p. q. 7. n. 12. ver. 8. arguitur, & *Afflic. in const. de burgentacis, rub. 63. q. 8. n. 7. tenet, quòd sic, tamen Covar. pract. q. c. 35. num. 1. dicit quòd non, idque pro-*

probat ratione: nam si causa est inter clericos, habent iudicem competentem, si inter clericum, & laicum, & clericus est reus, similiter, quia actor sequitur forum rei, *c. cum sit generale, de for. compet.* si laicus est reus, itidem, quia causa possessorii in beneficalibus pertinet ad forum Ecclesiæ, *Clem. 1. de cau. possess. & propriet. & Clem. unica, de sequest. fruct. & possess.*

Aliqui possunt salvare dictum Sylvani, & Afflicti in casu de quo ipsi loquuntur, quando clericus haberet beneficium auctoritate ordinaria, & possedit, venit alter provisor à sede Apostolica cum commissario Apostolico, & literis Apostolicis, privat illud de facto possessione, tunc clericus spoliatus habet recursum ad officiales Regios, pro defensione allegans se non potuisse sic abrupto spoliari, & tunc officiales Regii se intromittunt ad restituendum spoliatum, ita *Affl. loc. cit. rub. 67.* tamen ista doctrina non potest stare, & *Cov.* melius dicit per rationes suprapositas: nam vel reus clericus, vel actor, vel utrique adeant Ordinarium.

Aliqui possent dicere, quando beneficium esset regium, putà juris patronatus, vel nominationis Regiæ, vel sic prætenditur, & nec tunc posset clericus adire Regios officiales, *capitolo, si diligenti, de for. comp.* nec laicus, si esset actor, prout supra, nec valet ratio, quod possessorium est aliquid temporale, quia hoc dato, & non concesso, cum superius dictum sit, esse quid spirituale in beneficalibus, tamen etiam pro re

temporali clericus convenit laicum coram iudice ecclesiastico, & pro re merè spirituali clericus convenit laicum coram iudice ecclesiastico, & si quis hac via laicali conaretur impedire executionem literarum Apostolicarum, incidere in bullam Cœnæ Domini, prout dictum est superius in *ver. Bulla, & in ver. littera,* sed posse contradici, prout dicitur in *versic. contradictores.*

Primò, posset doctrina Sylvani, & Afflicti practicari, quando laicus spoliaret clericum beneficio de facto ob aliquam prætensionem, & Episcopus excommunicaret illum servatis servandis, & ille parvi faceret excommunicationes & monitiones huiusmodi, & alter provisor implorat auxilium brachii secularis, prout dictum in *ver. brachium.*

Secundò & melius possent salvari dicti Doctores, quando agitur de possessione Ecclesiæ rerum temporalium: nam aliàs possessio super restitutione rerum spiritualium est merè spiritualis, ita tenet, & probat *Gem. in c. 1. ver. expeditio, de restit. spol. l. 6. ex Jo. And. in c. si. de iud. & Butrio in c. literas, de jur. cal.*

PRÆLATI.

OMnes Prælati exempti ab Episcopi jurisdictione habentes jurisdictionem Episcopalem, possunt suis subditis omnia administrare, quæ ab Episcopis possunt exerceri, ita *Nav. conf. 23. ex mente gl. in Cle. 1. in ver. proprii, de reb. Eccl. non alien.* tamen hoc limita,

non